

四庫全書存目叢書編纂委員會編

齊魯書社

四庫全書存目叢書

集部
第三一三冊

責任編輯：孫言誠 賀 偉

ISBN 7-5333-0615-5



9 787533 306151 >

EB31/09

四庫全書存目叢書·集部三一三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三一三冊目次

集部・總集類

泰山菟玉集二卷

〔明〕袁穉輯
北京圖書館分館藏鈔本

.....一

詞海遺珠四卷

〔明〕勞堪編
南京圖書館藏明萬曆四年盧整吳邦刻本

.....五八

國朝名公翰藻五十二卷氏名爵里一卷（一）

〔明〕凌迪知編
南京圖書館藏明萬曆十年刻本

.....一一六

泰山蒐玉集二卷

〔明〕袁穉輯

北京圖書館分館藏鈔本

附《四庫全書總目·泰山蒐玉

二卷》提要

泰山蒐玉序

泰山蒐玉郡侯袁公蒐輯泰山諸著作爲編以成之者也泰山嶺華宇齊魯爲天下巨鎮蓋生物之府方嶽之宗運造化之玄機以翊助

天朝真祐士庶而上下遠近欽禮奔走有不能外焉昔故以伸祈報則有祭告之文以彰勝槩則有紀錄之記以稽故實則有敘述之傳以閎靈異則有頌揚之歌以縱觀覽據懷臨則有韻律長短之詩焉作之矣

泰山蒐玉

序

後先相繼自嘉靖乙卯歲纂志收集後迄于今纍纍藉藉如珠連璧合不可勝計但時久易湮散逸于岩壑仆沒于苔磔猶良玉埋輝無能自表見者何多也惟特郡侯袁公性耽學經傳史籍貫洽無遺叩之如韶鈞鳴于奏莫測其淵邃爲何如而古文百家凡瑰奇瑋麗者無不兼涉以鈞其深蒞仕二載政修民和遠通交頌公餘時或享祀登謁目擊而珍惜之迺使悉錄躬自披閱爰命鉉諸梓以壽其傳於戲公之

意亦深且遠矣蓋其之傳流布海內海內之人讀其文如

祖宗列聖正名扶祀禮神而民無封禪讀時之失覽其記知泰山峻極盤亘之勢崖崖洞谷臺觀宮宇遺址往跡一披視而具見觀其傳與歌則神之顯應昭貺山之奇絕幽情所謂觸石寸合不崇朝而雨天下爲古今之利賴者可坐會其真誦其詩則名公巨卿騷人文士托景寄興寫洞豁之懷極摹擬之意千態萬狀之無盡者可因言

泰山志

序

二

以輝其旨譬之玉璫于璞出于樞精彩白虹炫爛于

清廟明堂之上爲人所共睹而稱奇者何異耶王之菟公之意同如是也其于世道人心良亦有補矣且泰山與天壤相爲悠久則是集亦與泰山相爲終始後之續志泰山者採擇而登綴焉則其爲文爲記爲傳爲讚爲詩歌且將昭垂傳誦與造化並壽于不已王之菟公之績不磨也公別號玉田荆楚世爲文章政事冠絕一世而是集

也愚承其意與諸賓長偕二三門士剖校成帙且以公命爲之序云

時

皇明萬曆己卯秋八月奉安州儒學訓導六安王化撰

泰山志

序

三

泰山龜玉集卷之一

荆人袁 檉輯

訓導王 化校正

生員張重光鈔次

國朝祭告文

巡按山東監察御史雍焯祭文曰於赫
岱宗秩祀有恆神功丕施毓物效靈莫此
震極期此坤寧歷代禮薦酬億報成迨我
皇朝典祀惟明焯等叨事茲土肅將明誓仰
藉神貺昭格用儆羣我鴻圖永躋豐昇尚
泰山龜玉集 卷一

饗嘉靖帝於泰山

皇帝遣巡撫山東地方都察院右副都御史
朱衡告瘼文曰維予嗣繼丕圖仰承帝春
恢張治化又寧邦家匪資神力匡扶何允
導迎景貺茲今八月初十日定為初度之
辰命官齋脩香帛前詣祭告惟神鎮奠一
方雄靈炳續冀永贊
天錫祐輯福眇躬集慶迎祥以延萬載之祚
謹告嘉靖帝於泰山
欽差巡撫山東等處地方都察院右副都御史

史張鑑祭文曰粵稽山東之地青兗肇
域齊魯舊疆聖賢王霸之化禮義富強之
方遠

皇明之御宇為畿版之左壤東表東海西畧
河防赫赫明神寶主震方鑑奉

明命來撫是邦則巡撫之興威靈乃均夫秉
幽明之章念言東土憂心俟候為臻饑饉
官方不良頃苛盜疾昏墊流亡戶籍耗滅
阡陌蕪荒以今日之所目擊較之古昔之
盛怒焉其如傷履任以來夙夜惕懼仰承
泰山龜玉集 卷一

神佑時而時時百穀用登盈缺稔穰匪直
彼不斂穽而此適稔實貧有餘而富寇賊
是神錫吾民之福即所以貺有位之康彼
存者既享有年之樂而去者豈無故土之
望桑梓在念逋負難償思昔不來來者不
歲招撫懲聞孰敢忘違因則戶而平其稅
分地而清其糧上則請命於
天子天子即賜愈允下則責成於有司有司
有欺心玩法削民自殖者典形有赫實足
自戕苟非明神慶錫以豐年煦育以和氣

則民將迫於貧困疾疫何能永樂利於故鄉經綸潤澤既明且詳陰陽默祐惟神之度鑑蓋求上不負

聖天子牧養小民之意下不負生平奉公憂國之志使閭閻郊野盡復古昔之盛亦為東方明神之先用是敢陳牲品備以玄黃既齋既潔肅恭對飈為已往有年之謝致將來時若之豫報懇之忱非言所將福善祐正惟神之祥鑒微衷之懇懇知來格之洋洋尚饗

泰山志上集

卷二

六

皇帝遣巡撫山東等處地方戶部右侍郎兼都察院右僉都御史趙象賢告歲文曰予上奉天保六甲間昌下撫坤圉百神受職茲八月初十日乃予初度之辰命觀士齋捧香帛前詣祭告惟神凌霄奠域拱祥衛邦所冀靈祥欽福永固壽基以崇大慶于一人以普隆庥于萬宇謹告

古蹟詩餘卷下

皇帝遣巡撫山東都察院右副都御史姜廷頤告歲文曰通者水災異常殃及黎庶良軫朕懷茲特遣官祭告惟神鑒祐永福邦

民謹告

隆慶元年

欽差總理河道兼提督軍務兵部左侍郎兼都察院右僉都御史萬恭告歲文曰通者漕河梗塞

天子憂惶特召舊臣來司總理神明降福惠我安流仲夏萬艘漕輸乃盡

天子悅豫惟神之功爰及萬方會同有繹乃祈乃報

天子之將維終惠之衍我皇祚敢告惟慶惟欽差巡撫山東等處地方督理營田都察院

泰山志上集

卷二

六

右副都御史趙象謹以香帛庶品之儀祭告于東嶽泰山之神曰惟神雄鎮茲邦出震配乾體仁含德下之茂育品彙上之奠安邦家實惟神是賴年來微神之惠而時時若災沴不生此豈惟東人幸而賢任在撫綏亦藉以運于康曠之罪則幸尤大哉乃者河淤運使致厯

明主之憂

特命大臣總理其事許以便宜用國永賴而賢謬有分管之役今且親詣河上督查諸

工將亦與聞千百年之長計焉蓋稽古昔

聖帝明王賢公卿諸有請祈受命如響卽

先朝河流漲溢漕運艱澁屢祈屢應志可勝

已不稿非多潛濟明神願神陰降助相俾

成偉功而神亦享我

國家無窮之報高饗

撫臺觀風泰安登山記 黃一桂

萬曆戊寅大中丞趙公受

聖天子簡命撫綏東土始至肅憲中庾修文

奮武諸凡損民益民察得其真取次罷行

泰山志

之末三月政令四敷矣值河道運使

上采廷臣議時

牧總督官治之撫臣分理其轄以內公兢惕

不遑按齊魯之郊觀河上游道泰安惟岱

爲東之鎮住有事茲土者必稱祀備故事

諏晨禮告之畢乃旌車出城由紅門至御

帳慈馬越三里許爲朝陽洞洞之右一亭

登而望之首顧壁立于上者逾巔屹不可

攀是始及山之半矣命勒半山亭于石過

此躋躡十八盤達碧霞元君廟經一宿昧

爽行祀禮成登日觀奉天清氣朗曜靈出

於暘谷朝暾射半扶桑有亭倚云觀海漸

以地微有司葺治之下而至挾仙宮峯競

秀若川爭流若具瞻覽之無遺真宇宙大

觀也乃揭以字焉迤北登玉皇宮岱宗至

是絕頂矣爰貞石表于其上循西數十武

許有石刻孔子小天下處相傳孔子崖舊

未有亭公謂孔子登覽地蓋亭諸屬庀工

增構鐵石於亭內連日中肩輿且下西踰

民居數十舍有奉名月觀義取月壯庚方

泰山志

謂之越觀者此也仍更以舊名歸而歷水

簾洞聞其東有石經於登山日未之至從

與往視之盤石若礪水自龍峪奔瀉而下

大書蒼拙不可辨然高山流水益彰奇勝

今錫窮趣二字既而西訪無以觀也尋普

照寺後數百步爲宋孫泰山石相傳胡安

定讀書之所有祠孫石二先生者近所建

乃識胡安定投書處于山之麓是日未及

暮遂從城之南環視一周徧卽蒞政事堂

察吏治之臧否詢民俗之動靜戒官屬園

惟政理越明日遡汶泗沂記巡行於鄆費
聞矣守泰安者對公休命惟是廟者翼新
亭宇勦疊諸所標樹井井奕奕煥乎一時
之盛也官師弟子請所以紀之按夏書記
禹導水先於隨山旅刑旅岐皆不遺焉何
哉大聖人恤民皆整匪是無以觀厥成已
中丞公首先巡行修祀秩禮急於紓河患
也摩頂覽勝興廢舉墜於修誕妄者累焉
至其存聖賢遺蹟莫非重道崇儒俾後人
得所依歸茲行也豈徒遊豫而無關於風

教哉庶幾士迪其行官哉具聞民式具瞻
風之所感下之應也如響矣相神謹會同
漕河續用告成

朝廷永無東顧之憂者於是乎政以望耶乃
遂書之

泰山記

王之綱

泰山東嶽山也是為岱宗爾雅丘名曰
泰郡志萬物交代故稱岱宗羣嶽之長故稱
宗焉天應角躔地分魯域宋元前隸兗東
平路今隸濟南泰安郡道藏書云泰山週

迴一百六十里奇五十步方面各四十里
郭璞云從泰山至頂四十八里三百步漢
官儀云盤道屈曲而上凡五十餘盤茅君
傳云泰山週迴三千餘里傳文錄云泰山
名達玄高四千丈環一千里福地記云泰
山洞天週迴三千里其言高廣遠通固人
人異以今考之由岱宗坊而左週迴至其
坊下凡一百七十里百九十七步其稱一
百六十里奇五十步者近是自郡城登嶽
坊三里至一天門而上磔阿陀坂循谿入

谷度高老橋水簾洞迴馬嶺黃岬嶺二天
門小龍峪九龍峪十八盤三天門至嶽頂
四十五里其稱四十八里者是也至其峯
山嶺峪洞石巖崖亭臺觀宇之麓蜿蜒不
可殫紀蓋亭即其著者而言最高為嶽頂
古登封臺今表其巔為玉帝太清宮宮前
泰無字碑碑前泰觀臺可望長安下為青
帝宮碧霞宮東嶽廟頂以北由丈人峯石
馬山上為免觀臺之北為砌山磨山仙
臺嶺黃白陽洞金絲洞蓮花峯佛手峪即

谷山寺寺址卽周明堂中有峪泉下爲天津河山谷聯屬巖頂蓋四十里臺之東北爲鳳凰池會仙臺巖然山臺之南爲鶴山玉女山山半有黃花洞洞卽後石屋玉女修真處下有飲虎池大燭山小燭山仙鶴灣天井灣西轉爲明月嶂卽明月玄臺之西北有北拱臺南拱臺北天門獅子峯船石分金石石後山方正石土嶺頭老鴉尖懶張石屋黑園石屋青天嶺自老鴉尖而下爲上石屋卽雲臺卷下石屋卽桂師庵

止臺東天門幡杆石樓子洞崖西下有遙觀洞卽昭真亭蛻仙巖卽王老石屋水仙寨朗然子洞藥園千戶廳中嶺山水牛準艾窩觀星峪東南十八里爲漢明堂旁有謝過城夾谷會後齊人歸魯龜陰田以謝過處巖東南地曰谷里卽夾谷皆房嶽之東者近之爲汶陽之田汶河濶河誇水遠之非青登蓬萊海島之間乎嶽頂以南由玉女池德星巖而前爲周觀峯周觀峯可望洛邑峯之東爲仙人橋試心石水影翠石獅子崖五花崖崖兩有避風崖虎頭崖白雲洞鎖雲巖三靈侯廟南天門卽三天門門左有上清界坊彌高巖朝陽洞卽古迎陽洞洞上有半山亭宋真宗賜號松龍泉峯小龍峪龍龍巖洞下爲藏住山御帳坪坪上有秦封五大夫松始皇真宗常駐此又下爲望駕石觀駕泉快活山交龍石黃峴嶺迴馬嶺中有玉皇廟登仙臺十峯嶺翔鳳嶺古雲巖歇馬崖三字崖凌漢秦雲頭準白楊坊水簾洞大藏嶺地高嶺石

經峪中有石經臺高山流水亭萬雨溪公
石壁托水簾崖暴經石下爲楊老塢分水
嶺東溪山箭杆峪東升仙嶺青山南擒虎
山東岱道庵西巖巖亭糾在灣王母池龍
鸞泉滌塵永呂公洞后土殿老君臺卽古
岱巖觀中有漢伯唐雋齋碑下爲三皇廟
鄧都廟轉北爲一天門坊孔子登臨坊天
階坊龍雲閣中溪山斗母殿轉而西爲人
祖殿升元觀白鶴泉鄧都峪眼光殿青帝
觀岱麓書院又轉而南爲鳳凰臺漢宣帝
時鳳凰集處郡城中爲岱廟中有唐魏古
柏西爲長春觀東爲先師廟南爲會真宮
魯兩先生祠城外南爲升中古蹟陰字碑
亭西爲天書觀醴泉亭高里山鬼仙洞社
首壇中有環翠亭再轉而南爲宋封祀壇
朝覲壇舞鶴臺皆屬巖之南者近之爲云
亭梁父但徠岬諸山沂泗諸水遠之非吳
越之交衡臺之勝乎巖頂以西爲吳觀峯
吳觀峯可望吳門孔子望吳闔門指示顧
子處下爲君子亭右爲越觀峯可望會稽

一名月觀謂與日觀相對云峯之東爲仙
閣巖西影翠石峯之西爲西天門延至青
嵐嶺兩峯巖西神霄山三夾山以南九女
寨回鷹峯卽鷹龍嶺火燒山仙人掌傲來
山劉盆子寨天勝寨鷄龍懸刀芙蓉龍鴉
凌漢諸峯下連馬蹄峪觀音洞白鶴洞鳳
凰山竹林寺西北百丈崖天紳泉仙影崖
白龍池西溪山玄主石忽雷灣觀星灣鐘
鼓灣普照寺周樸菴今仰德堂三陽菴明
安定公設書潤孫泰山公讀書授經諸臺
石徠徠公侍立景賢諸石而下大峪口又
有大石厓小石厓藏劍匣試劍石三元石
儒鼓石皆屬巖之西者近之爲靈巖爲長
城巖遠之非秦晉河源崑崙太華之勝乎
以此而言則其隔至四十里考始又不足
以盡之大抵傳記所載未必悉合或極夫
蟠豆而侈言之或卽夫崇臺之地而約言
之不越以記其形勝耳及考其當時巡狩
則唐虞天子五載一巡狩歲二月東巡狩
至於岱宗夏后氏因之周制十二年一巡

狩歲二月東巡狩至岱宗觀諸侯於明堂
自是而漢之光武孝章考安魏之明帝隋
之文帝唐之高宗亦莫不因焉望祭則王
制歲二月東巡狩於望祭山川周禮小宗
伯四望五嶽魯世紀周公封禪伯禽爲魯
侯遂得主泰山之祀自是魯傳公宣公之
猶三望漢宣帝之歲五祀章帝之幸祀泰
山魏文帝晉成帝後魏景穆帝唐高祖太
宗德宗宋祖金元亦皆有望封禪則無懷
氏封泰山禪云云伏羲神農并因之黃帝
禪亭亭顓頊帝嚳帝堯帝舜復禪云云堯
禪會稽湯依禪云云其所封皆於泰山焉
周成王封泰山禪社首秦始皇封泰山禪
梁父漢武帝封泰山禪肅然光武封泰山
禪梁父唐高宗玄宗宋真宗皆封泰山禪
社首若乃登覽則孔子遊泰山嘆奇政於
猛虎顏淵從孔子辨繫練於吳門魯參款
梁山以力耕孟軻感齊宣以彭瑞伯牙善
音於霖雨之操延陵合禮於羸博之封疎
明復嘆春秋之徵石守道爲侍師之敬封

璣真書而收潤許衡寓魯以名齊雲遊則
安期生授少君神機之劍授丘君識漢武
升高之危巨和著安道之名純陽留想洞
之跡張仙繫林禽以示異長春演真教以
攝仙張志純悟道於天倪徐世隆辨材於
三子王從之化跣跡而仙羸脫故成興公
通玄秘而泰頂完真讚述則刻石銘篆諸
李斯封禪書遠諸相如唐崖碑勒於唐玄
宗陰字碑書於宋真宗張說頌舞鶴之臺
晁迥銘天齊之號王欽若有社首頌陳亮
更有朝覲文王旦頌於封祀壇揚億序於
天貺殿洪邁記平泰山楊伯仁紀夫岱廟
宇文子育宣和之製杜翺有延禧之述徐
琰記華美之亭索懷英讚谷山之刻題評
則仲尼丘後之歌張衡四思之什曹植有
龍龍之篇陸機有泰山之韻謝靈運李白
之吟泰山張養浩李簡之韻登嶽王矣王
禪有漢伯之句范致冲王旭有竹林之作
杜甫之望嶽盧照偉之登封劉禹錫遠詩
練師蕭楚才廣和展禮丁春澤爲日觀賦

杜仁傑爲天門銘王欽若紀登泰山李義府遠敘封禪梅聖俞之登岱蘇軾之遊靈巖洞竇惲司於金母池張志覽勝於桃花峪凡夫有方而答脫覽勝以窮奇宣幽而發秘者亦率於是焉是皆不可以無記昔內史氏綱曰余讀魯頌泰山巖巖魯邦所瞻及孟子云孔子登泰山而小天下未嘗不嘆其形之勝也至讀舜典封山之文戴記升中之語則又未嘗不嘆此之足以爲民病也迨讀文中子有曰舜一歲巡五

聖祖泰山高之賦

列祖遣祭之文昭回天地而文臣賢士羽客騷人若薛宣王守仁李夢陽李東陽輩品題不報又有以備一代之文章固有不待封而崇者矣登覽者豈獨以其形之勝已哉是用記之以告來者

又泰山記

李咏府同新安人

予嘗遊泰山頂者垂三十年乃嘉靖乙卯六月自沅遠濟而府越九日始登泰廟賦登巖越明年丙辰元旦掌州事以祈年登作祈年其冬又以總理登是役也以宿項爲業喜得歸膏馬乃紅門更衣徐徐步高老樵謁人祖廟窺水簾之洞倚危階瞻玉皇閣崎嶇迴馬之嶺度黃岵緣雲瞻巨石之崖乃復下趨平土三里復又度石澗緣石壁而上越峻盤四三百步至始皇遇雨真宗駐蹕處撫五松之昂藏賦五松攀緣里許登朝陽洞賦迎陽松盤石列山奇險益甚踐石行五里石溜淙淙滿兩崖之間橫澗截流旋旋逸而上穿先師過化之亭入大小龍口隱隱瞻天門於雲霞之上懸崖

巨石東西夾羊腸峻絕之壑繩拽而上十八盤過盤山石益峻密亭午始見日色而烟霧紛濛如織從石竅數十夫又挽而上十八盤登南天門回首而望南方諸山累累種種如伏如馴舉失勢而拱立於其趾左曰白雲洞元君舊像在焉賦雲洞脩靈侯之廟而東上坡而折下走百步許入城敬之門自是東行二百步路稍平山皆南西石林迴合晴室絢文俯視諸峯林林出沒白雲清瑤之間而崎嶇驚悸之懷灑然為之一醒佇立良久振衣上天階觀玉女池於萬峯之頂賦玉池北入碧霞宮奉報豐報元旦祈得豐年也乃趨山之東又循而北過大室上東嶽賦宿嶽曲折而西謁寢廟賦觀象脩寢廟而出北上里許攀緣懸巖最高處登玉皇頂謁玉皇周覽八表蕩蕩無涯涘而因以驗造化之無窮賦玉奉且撫秦人無字之碑又由東而登日觀慨然欲窺海心之紅輪思見其光燭射天簇簇然蓬萊五色雲捧之而駕東山者為

何等氣象又因以嘆漢宋金幽玉蘭之修賦寶觀南下仙人橋兩石并峙插天石梁橫亘其上而其下空洞為萬仞巨壑賦仙橋橋西而五花崖下榻石林之館賦石林越明日踏七十二峯過丈人迴馬之石下瞰山趾十五里尋桃花洞雙泉出竇如龍怪石環之幽情可以忘世賦桃洞于時芝田子高卧太虛中者凡兩閏月造化雖偉絕特之觀日益親狎軒窗几席之間動皆怡神沃心之助也詰朝振沐則見其晚雲朝露之遼深而可以窺混沌相忘之俗夜分觀表察後風清月白山空雲占三星在戶而萬籟無聲油然而思幽人風度之雅延頸長視煙城之整整川源之疊疊人物之稠稠則思祖宗照育之功經綸之密而惕然懷吾高思危之慮擁衾偃卧策簡味肩則見石鈞風高羣玉舞空而萬里修淨肅然益勵嚴正之氣指白之心晴日好天往往曝背玉奉之上踈踈危坐矚目然視則又搜攝九垓牢籠八極眼界高懸而心

洞徹勃勃然思與天地同其流峙與日月
同其照臨而經緯之文章思與三極一元
之運同其變態融然山靈之與契也悠
悠然造物之與遊也超然我大而物小矣
茫茫宇宙曾何一塵之足以掛齒頰入靈
臺丹府也昔人謂登泰山而小天下意者
其在斯夫意者其在斯夫彼忽忽遽遽登
泰山而曰小天下焉非吾所敢知也愚故
書而誌之以驗登山好奇之士

東嶽廟記

李欽

縣典史

夫天下之山莫大於嶽而五嶽之中獨岱
以宗稱何也蓋以其真於東方實維生物
之府出雲膚寸不索朝而雨天下其功德
之廣大威靈之烜赫固神次之所當崇極
者繼自古帝王望秩於山川率必有事於
此然考諸載籍皆不過爲壇而祭之泰漢
以來神仙封禪之事興而祠廟之設帝統
之封所由始也洪惟我
太祖高皇帝卽位之初招定祀典乃去其前
代所封而易以山之本名一洗不經之陋

真大聖人超卓之見也然廟貌神像猶仍
其舊者得非以其爲人心之所瞻敬祭享
之所登薦神靈之所依栖夫固禮之可以
義起而所宜不可廢者乎嘉靖丁未冬嶽
廟災殿宇廊廡以及賓館齋居門閭樓觀
蕩然一空其僅存者後寢三殿與炳靈延
禧二宮而已時守臣以狀聞
上震異者久之詔俾治有司不戒之章而遂
敕以玉修之議然歲值累歉未克興事者
垂十年余幸丙戌八月

泰山志

卷二

三

皇上萬壽爰

命太常絃祝巫帛恭詣嶽神虔修醴典有司
布席將事惟時巡撫都御史鎮山朱公承
命主祀大懼簡陋因登明禮乃謀諸諸臬庶
正展力垂圖而特委濟南府同知程公濤
與董其位蓋選能也公始至泰安修葺嶽
廟固所以祇若
上命致謹大神然猶當以省民財重民力爲
本財匱民勞而曰神無恙悃者未也乃檄
請當道材木錢幣金石之類以至匠傭役

康皆取給香帛而秋毫不以煩民極意節
 省而財用自足體恤民力而工役自勤齋
 沐勤瘁朝夕營葺時公兼掌郡篆殫心竭
 慮至忘寢食經始於壬戌春迄癸亥夏廟
 工告成自殿堂而下毀者以舉傾者以易
 圯者以完浸淫者以鮮以潔丹雘塗墍輝
 光掩映巡撫部御史石洲張公與分守參
 議東山方公分巡副使虹洲秦公兵備僉
 事四野薛公濟南知府蘭川魏公祭告祠
 下樂觀厥成是日也淑氣洋溢靈光下燭
 泰嶽明神既尊且安自是而往陰祐顯相
 而陽時若而豐年應災病殄而民氣和諸
 福之物可致之祥教為休徵教為太平以
 永保我
 國家無疆之慶則神之功當與天地並而君
 子謂君公之有功于神也其亦偉矣哉於
 是州長學士會屬郡人李欽記其事於無
 似曩者廟災適致詔興府政歸方越月扶
 杖觀之自憐衰朽以為不復復觀祠宇之
 盛何幸苟延數歲而再有今日之偉觀耶

況荷公知遇之深執筆揚徽足所願也謹
 再拜頓首颺言曰惟神有英鎮區域之功
 惟公有守治地方之職分別幽明事存交
 際然以公宣哲剛方之德慈祥愷悌之仁
 與神之聰明正直發育萬物者相符與焉
 則廟工之所以速於成者諒必神之然相
 于冥冥中也而豈徒章程之度體悉之恩
 有以感夫子來之眾如此哉欽林泉荒陬
 深愧不文姑以此識其歲月而并繫之以
 銘其詞曰茫茫后土五嶽盤薄泰岱為宗
 威靈鑠鑠乾綱上扶坤維下拓有靈廟貌
 秩祀攸恪舊弗羅災斯何以作維時保壘
 中心翼翼選能興事經始營度庀工鳩材
 庶民踴躍棟宇賁飾塗墍丹雘金碧輝煌
 殿殿樓閣明靈孔安神心允樂壽哉
 明后福祿攸酢安我羣黎而陽時若于萬斯
 年渾渾噩噩
 高山流水亭石壁記 萬泰
 余既表泰山之巔探密麓而南下則慈暉
 經之石石廣可數畝偏刻梵經皆八分書